



The Mizoram Gazette

EXTRA ORDINARY

Published by Authority

RNI No. 27009/1973 Postal Regn. No. NE-313(MZ) 2006-2008 Re. 1/- per page
VOL - XLII Aizawl, Thursday 14.2.2013 Magha 25, S.E. 1934, Issue No. 71

NOTIFICATION

No.B. 14016/30/11-LAD/VC-part, the 11th February, 2013. Lushai Hills District (Administration of Justice) Rules, 1953 section 2(1)(i) leh The Mizo District (Forest) Act, 1955, section 13(a)(b) in a sawi angin Annexure a tarlan ang hian Muthi Village Council Boundary leh Safety Reserve siam thar a ni. Hei hian tun hmaa lo siam tawh a awm a nih pawhin a luahlan nghal a ni.

Elizabeth Rindingliani,
Under Secretary to the Govt. of Mizoram,
Local Administration Department.

MUTHI VILLAGE COUNCIL BOUNDARY

Muthi Luiin Tuirial a finna hi ramri sawi tanna (starting point) ah hmangin Muthi Lui chu khawthlang zawngin a zawh a, Zemabawk Local Council leh Zemabawk North Local Council inrina Pa-ngen Luiin Muthi Lui a finna thlengin. Chuta tangin Muthi lui chu khawthlang zawngin a zawh zel a, Zemabawk North leh Zuangtui inrina luiin Muthi lui a finna thlengin. Chuta tangin hmar zawngin Muthi lui zawh zelin, a hnar kinah Muthi kawm a thleng chho a. Chuta tangin ngil takin Muthi kawm lai takah Muthi leh Leitan nena an inrina a tan tlang a, hmar zawnga kal zelin Tuipawl lui hnar a fina, Tuipawl lui chu hmar zawnga zawh zelin, Sihpui luiin Tuipawl a finna thlengin. Chuta tanga Tuipawl zawh zelin Sele luiin Tuipawl a finna thlengin, chuta tangin khawchhak zawngin Tuipawl lui a zawh zel a. Tichuan Tuirial a fin a, Tuipawl luiin Tuirial a finna atangin Tuirial lui chu a hnar zawngin chhimlam hawiin a zawh zel a, Muthi luiin Tuirial a finna ramri sawi tanna (Starting point) a pawh chiah a ni.

MUTHI VILLAGE COUNCIL SAFETY RESERVE BOUNDARY

BUNGTLANG :

Pu C. Lawmsanga huan bul kawr Sedai lui hi ramri sawi tanna (starting point) ah hmangin khawchhak zawngin a zawh a, Mangkhawng mual zingzumah tan bungin, chhim zawngin Pu Lalchhawna huan bul kawr zawhin, Pu Lalchhawna huan lu ko chinah khawchhak zawngin a kal zel a. Pu Zathuama huan lu Bung awmna hlui hnuaiah kalin chhim zawngin tlangdung a man a, tlangdung khawthlang zawngin a zawh a, Hlilui kawng hlui chu hmar zawnga zawh zelin, ramri sawi tanna (starting point) a pawh a ni.

NGAWIMUAL DAM :

Pu C. Laithianga extension Inmun hi ramri sawi tanna (starting point) ah hmangin Kawrpuih hmarchhak zawngin a zawh a. Lengkir sangah tan bungin Pu Dokhuma huan ri-ah chhoin chhim zawngin a kal a, kawngpui a man chho a, extension chin zelah thlang zawnga kalin ramri sawi tanna (starting point) a pawh leh a ni.

MUTHI TLANGSANG :

Alu hmun kawng kham ko hi ramri sawi tanna (starting point) ah hmangin chhim zawngin kawng a zawh a, tlangdung phul a man a, khawthlang zawngin phul chin zela kalin P.E.U hmun a ri a, chuta tangin hmar zawngin a kal zel a. Chhim zawnga kual lehin Thlanmual ri-ah kalin hmar zawngin kawng chung zelah a kal a, Vengthar peng thuam chungah chhak zawnga kalin, Alu hmun kawng ramri sawi tanna (starting point) a pawh leh a ni.